

“VICTOR MENDIZABAL – ORDIZIA” IKERKUNTZARAKO IV. BEKA EMATEKO DEIALDIRAKO OINARRIAK.

Ordiziako Udalak, Victor Mendizabal Fundazioaren bidez, kultura eta hezkuntza arloan duen helburuetako bat Ordiziari buruzko azterketak bultzatzea izanik “Victor Mendizabal – Ordizia ikerkuntzarako IV. Beka” deialdia egitea erabaki du. Deialdia bi urtetik behin egiten da.

Deialdi hau oinarri hauen bidez arautuko da, eta bertan jasotzen ez dena 38/2003 dirulaguntza legea eta bere erregelamentuaren arabera.

1.- XEDEA ETA EZAUGARRIAK

1.1 Deialdiaren helburua zera da, humanitateak, gizarte-zientziak eta natur-zientzien arloko ikerkuntzarako ohitura suspertzea eta Ordiziako herriari buruzko azterketak bultzatzea. Ikerketa lan hauen aztergaiak Ordizia edo/eta ordiziarrei buruzkoak izan beharko dute eta zabalik daude iker daitezkeen gai guztiei: Historia, Arte, Ondarea, Arkeologia, Geografia, Ekonomia, Soziologia, Etnologia, Hizkuntza, Literatura, Folklorea, Turismoa, Abeltzantza, Industria, Biologia, Ingurumena....etb.

1.2 Beka honen egitaritza epea 12 hilabetekoa izango da, beka esleitzen den egunetik hasita.

1.3. Beka honen diru zenbatekoa 7.000 eurokoa izango da.

1.4. Ikerketa-lanak originala eta argitaratu gabea izan behar du.

1.5.Ondoko ekintza hauek ezingo dute dirulaguntzarik jaso deialdi honen bidez:

a-. Azaroaren 17ko 38/2003 legearen Dirulaguntza Orokorra -13.2 eta 13.3. artikuluetan aurreikusitako egoeraren batean aurkitzen direnak.

b-. Konstituzioak 14. artikuluan jasotzen dituen eskubideen aurka doazen elkarte edo erakundeetatik datozen proposamenak ere ez dira aintzakotzak hartuko (jaiotzagatik diskriminatzea, arrazagatik, sexuagatik, erlijioagatik, iritziagatik)

2.-IZANGAIK

2.1. Deialdian norbanakoek nahiz horretarako osatutako lantaldeek parte hartu ahal izango dute. Bigarren kasu honetan, taldearen arduradun bat izendatu beharko da.

3.- DOKUMENTAZIOA ETA AURKEZPENERAKO EPEA

3.1 Eskaerak Ordiziako Udaleko Kultura Sailean aurkeztu beharko dira 2017ko urtarrilaren 30etik otsailaren 28ra (biak barne), behar den bezala sinatuta eta beteta, ondorengo agiri hauekin batera:

- Ikerkuntza proiektuaren Txosten-Laburpena (gehienez 20 orri) eta bertan azaldu beharko dituzte proiektuaren oinarritzko nondik-norakoak, metodologia, aztergaiak, erabiliko dituzten iturburuak eta lana zein hizkuntzatan idatziko duten.

-Izangaien Curriculum vitae. Ondorengo alderdiak zehaztuko dira bertan:

- Prestakuntza (titulazioak, hizkuntak, masterrak, graduondoko ikastaroak,...)
- Lan esperientzia (lanak, argitalpenak, sariak, beste beka batzuk,...)

Meritu horien inguruko egiaztagiria aurkeztu beharko dira.

- Eskatzailearen lan egoera ziurtatzen duen agiria.

3.2 Eskatzaileak aurkezturiko dokumentazioa osatu gabe dagoela edo oinarri hauetan eskatutako baldintzak ez dituela betetzen ikusiz gero, hamar eguneko epean konpontzeko eskatuko zaio interesatuari. Hala egingo ez balu eskaeran atzera egin duela ulertuko da Herri Administrazioen Administrazio Prozedura Erkidearen urriaren 1eko 31/2015 Legearen 68. artikuluan aurrikusitakoaren arabera.

4.- EPAIMAHAIA ETA ESLEIPEN PROZEDURA

4.1 Ordiziako Udaleko Kultura Delegazioak izendatuko du epaimahaia eta aurreko edizioetan saridun denari hurrengo deialdiko Epaimahaikide izateko gonbidapena luzatu ahalko zaio.

Epaimahai honek ahalmena izango du, aurkeztutako ikerketa proiektuak ulertzeko beharrezkotzat jotzen duen informazio osagarria eskatzeko, eta behar izanez gero, egileek Epaimahaiaren aurrean beren Memoria-Laburpena aurkeztu eta azaldu dezaten eskatzeko.

Eskarien ebaluaketa, ondorengo baremoa kontuan hartuz egingo da:

- Memoria-Laburpena: Gehienez 60 punturekin baloratuko da. Proiektuek deialdiaren helburuekiko daukaten interesa, zehaztasun zientifikoa eta egokiera kontuan hartuko da, eta gaiaren originaltasuna eta gutxien ikertuta dauden garai kronologikoen azterketa ere bai.
- Curriculum vitae: Gehienez 30 punturekin baloratuko da. Bekaren xede diren gaiarekin zerikusia daukaten prestakuntza eta lan esperientzia baloratuko da, edo pertsonalki hobekuntza ekarri eta aurkeztutako lanean eragin zezaketanak. Kontuan hartuko da prestakuntza, esperientzia, argitalpenak, bekak, sariak, lanak,

- Euskaraz aurkeztutako lanei 10 puntu esleituko zaizkie.
- Puntuazioan berdinketa gertatuz gero, langabezian dagoela egiaztatzen duen izangaia aukeratuko da.

4.2 Epaimahai Kalifikatzaileak ahalmena izango du oinarri hauek ulertzeko eta deialdia garatzerakoan aurreko klausuletan zehazki aurreikusi gabeko arazorik sortuz gero, hauek erabakitzeko.

4.3 Puntuaketa:

— Eskatzailearen puntuazioa, epaimahaikide bakoitzaren puntuak gehitu eta batuz bestekoa izango da. Epaimahaikide guztiek dute erabakitzeko eta puntuazioa jartzeko eskubidea.

— Puntu gehien duen eskatzailea proposatuko da beka jasotzeko eta honek onartuko ez balu edo adierazitako meritua egiaztatuko ez balitu, hurrengoa proposatuko da. Hala ere, epaimahaiak bekarik ez emateko proposamena egin dezake, lanen kalitatea nahikoa ez dela uste badu.

5.- BEKADUNAREN BETEBEHARRAK

5.1 Onuradunak, beka hori onartzen duela idatziz jakinarazi beharko du, horren berri ematen zaionetik gehienez hogeitau egun naturaleko epearen barruan.

5.2 Lanak behin betikoz amaitutakoan, euskaraz nahiz gazteleraz idatzita -paperean eta euskarri informatikoan- Ordiziako Udaleko Kultura Sailean aurkeztuko da, 1.2 atalean aipatzen den bezala.

5.3. Horrekin batera, bekaren bukaeran memoria (ikerlana beraren azken erredakzioa) aurkeztu beharko du. Lan horren hiru ale entregatuko dira, tarte bikoitzez mekanografiaturik, koerlatiboki orrialdeztatua eta koadernaturik, baita euskarri informatikoan ere.

5.4. Lanaren luzerak gutxienez 100 orrialde izango ditu, orrialdeko 30 lerroz eta lerroko 60 idazki zeinuz, grafikoak, argazkiak eta antzekoak dituzten orrialdeen kasuan izan ezik.. Testua ez den elementu oro orrialdeetan zehar edo tokirik ez balego lanaren bukaeran, eranskin gisa, erantsiko da. Horrelako elementu bakoitzak behean bere azalpentxoan izan beharko du. Edozein kasuan, lanak gutxienez testuko 100 orrialderen baliokidea izan behar du. Eranskinetako orrialdeak ez dira kontutan hartuko puntu honetan zehaztutako gutxienekoak betetzeko.

5.5. Egileak 30 lerro inguruko laburpena eta edukiaren berri ematen dituen deskribatzaileak erantsiko ditu euskaraz gain, gazteleraz, frantsesez eta ingelesez.

5.6 Arrazoi garrantzitsuren batengatik egileetakoren batek bere ikerkuntzan funtsezko aldaketak egin beharko balitu edo finkatutako epearen barruan lana amaitzerik ez duela aurreikusiko balu, aldeztu aurretik Kultura Sailari adierazi beharko lioke, behar bezala arrazoitutako eskaera baten bidez. Honelakorik gertatuz gero, berriro Epaimahai Kalifikatzailea deituko litzateke eta honek, egoeraren arabera, onartu edo baztertuko lituzke aldaketa eta luzapen horiek, onartuz gero beti ere lanak entregatzeko epe berria ezarriz.

6.- ORDAINKETAK

Laguntza eman aurretik, dagozkion izapide administratiboak gauzatu beharko dira, eta ondoren zehazten den moduan ordainduko da:

- Kopuru osoaren %30, onartzen den une berean, aurreordainketa moduan.
- Kopuru osoaren %30, beka ematen zaionetik lana aurkeztu bitarteko epearen erdian, horretarako egindako lanaren eta egingo denaren azalpen-txostena aurkeztu beharko duelarik.
- Gainontzeko %40, beka dirauen epearen amaieran, emaitzak aurkeztuta.

Lana bukatuko ez balitz bekadunak emandako diru guztia itzuli beharko lioke udalari, sortutako kalte eta galerengatik udalak eska dezakeen kalteordainaren kalterik gabe. Ikerlanak sor ditzakeen gastuak bekadunaren kontura izango dira.

7.- LANEN JABETZA

Lanen jabea Ordiziako Udala izango da. Udalak berarentzat gordetzen du ikerketak osoki edota partzialki erreproduzitu, argitaratu eta plazaratzeko eskubidea, bere kabuz edo beste erakunderen baten hitzarmenez, egoki deritzonean. Beti ere lanaren egileak aipatu beharko ditu.

Udalak sortutako materiala aurkeztu eta lau urteko epean argitaratu ez badu, egileek material hori erabili ahal izango dute egokien iruditzen zaien moduaren bidez plazaratzeko. Egileek orduan jasotako bekaren aipamena egin beharko du (bekaren eta beka eman duen erakundearen izenak jarriz) eta udalari argitaratutako lanaren 20 ale eman beharko dizkio.

8.- GORA-BEHERAK

Aurreko klausula horietakoren bat beteko ez balitz, Beka indarrik gabe geratuko litzateke eta onuradunek jasotako dirua itzuli egin beharko luke.

Deialdi honetan parte hartzeak, oinarri hauek onartzea dakar.

9.-DATU PERTSONALEN BABESA

Abenduaren 13ko 15/1999ko Lege Organikoak jasotakoarekin bat, jakinarazten da deialdi honetan parte hartzeak, onuradunak eman ditzakeen datu pertsonalak “DIRULAGUNTZEN ONURADUNAK” izeneko fitxategi batean sartzeari ekarriko duela eta honen jabea Ordiziako Udaletxea dela, Kale Nagusia 24, Ordizia 20240 helbidea duelarik. Fitxategi honek eskatutako dirulaguntzen izapidetza eta ebazpenak egitea du helburu. Interesdunari dagozkion eskubideak, Ordiziako Udaleko Segurtasun Batzordeari komunikazio idatzia bidalita gauzatu ahal izango dira, lehen aipaturiko helbidera zuzenduta.

Ordizia, 2016ko abenduaren 14a